

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 228857 23 St
Zenica, 11.02.2025. godine

Općinski sud u Zenici, stečajni sudija Amra Brkić, u prethodnom postupku za utvrđivanje uvjeta za otvaranje stečajnog postupku nad stečajnim dužnikom dužnikom Zanatsko, trgovačko, proizvodno društvo „KLJUČ“ d.o.o. Maglaj, nakon održanog ročišta za utvrđivanje uvjeta za otvaranje stečajnog postupka održanog dana 19.11.2024. godine u prisustvu u prisustvu zakonskog zastupnika predlagatelja Vedada Karahusića i privremene stečajne upravnice Amerise Saletović, van ročišta, dana 11.02.2025. godine, donio je sljedeće:

R J E Š E N J E

Otvora se i zaključuje stečajni postupak nad imovinom stečajnog dužnika Zanatsko, trgovačko, proizvodno društvo „KLJUČ“ d.o.o. Maglaj, matični registarski broj subjekta upisa 1-6960, zbog nepostojanja imovine, dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 1-6960, a po pravomoćnosti ovoga rješenja.

O b r a z l o ž e n j e

Predlagač Zanatsko, trgovačko, proizvodno društvo „KLJUČ“ d.o.o. Maglaj kao stečajni dužnik je dana 25.04.2023. godine ovom sudu podnio prijedlog za otvaranje stečajnog postupka, u kojem navodi da je kod stečajnog dužnika nastupila platežna nesposobnost te isti nije u mogućnosti da izvršava svoje dospjele i potraživane obaveze i plaćanja. Dalje se navodi da je stečajni dužnik blokiran od 2008. godine te da mu je na osnovu rješenja UIO od 26.10.2018. godine oduzet i JIB, a računi u banci su blokirani preko 14 godina.

Rješenjem ovog suda broj 43 0 St 228857 23 St od 26.04.2024. godine pokrenut je prethodni postupak radi utvrđivanja uvjeta za otvaranje stečajnog postupka, a za privremenog stečajnog upravnika imenovana je Amerise Saletović iz Zavidovića.

Na ročištu za ispitivanje uvjeta za otvaranje stečajnog postupka održanom dana 19.11.2024. godine, privremena stečajna upravnica je ostala kod svog izvještaja dostavljenog sudu. Ista je na ročištu navela da stečajni dužnik nema poslovnih aktivnosti. Uvidom u poslovnu dokumentaciju i financijsko poslovanje stečajnog dužnika utvrđeno je da su poslovne knjige uništene u poplavama 2014. godine, a privredno društvo ne radi od 2014. godine, prema izjavi direktora poslovne knjige nisu vođene od 2014. godine, isti nije sačinio zadnji finasijski izvještaj. U bruto bilansu stanja zaključno sa 31.12.2022. godine ukupne obaveze iznose 106.384,00 KM, potraživanja od kupaca u zemlji iznose 120.744,07 KM, dug prema dobavljačima iznosi 239.905,24 KM, dobavljačima dobara u iznostranstvu 36.763,43 KM, koje podatke je dobila od Advokatsko društvo Hrnjić i partneri d.o.o. Žepče. Privredno društvo KLJUČ Maglaj ima dug po osnovu javnih prihoda, prema podacima iz Porezne uprave Federacije BiH, Kantonalni porezni ured Maglaj, Porezna ispostava Maglaj. Stalna sredstva koje posjeduje privredno društvo nije bilo moguće utvrditi, jer direktor i osnivač tvrde da istih nema, nije vršen popis imovine, a privredno društvo nema knjigovođu ili knjigovodstveni

servis da vodi poslovne knjige. Direktor Karahusić Vedad dostavio je ovjerenu izjavu od strane Općine Maglaj, OV broj: 1263 od 30.05.2024. godine o polslovanju privrednog društva koja se nalazi kao dokaz izužestaja. Privredno društvo KLJUČ Maglaj otvorena četiri računa u UNICREDIT BANK DD, broj računa 3385602229083557 - nema sredstava na računu, blokiran je od 11.07.2011. godine, Raiffeisen bank dd broj računa 1610400004330071 blokiran od 25.10.2010. godine, SPARKASSE BANK dd BiH, broj računa 1990460003170445 blokiran od 16.12.2008. godine, Privredna banka dd Sarajevo račun broj 101145000028731 blokiran od 18.08.2008. godine. U radnom odnosu Privredno društvo "KLJUČ" Maglaj nema ni jednog radnik u radnom odnosu.

Privredno društvo nije upisano kao posjednik nekretnina katastarskom operatu Općine Maglaj, niti je upisano kao vlasnik odnosno suvlasnik na neketninama za područje Zemljišnoknjižnog ureda Maglaj. U svom vlasništvu Privredno društvo "KLJUČ" d.o.o. Maglaj nema registrovanih motornih vozila. Stečajni postupak nije pokrenut u roku od 60 dana od dana nastupanja platežne nesposobnosti. Na osnovu svega naprijed navedenog proizilazi da imovina stečajnog dužnika nije dovoljna da se pokriju troškovi stečajnog postupka, jer stečajni dužnik nema imovinu, te stečajni dužnik ne može nastaviti poslovanje stoga postoje razlozi za otvaranje stečajnog postupka iz razloga platežne nesposobnosti stečajnog dužnika i to u neprekidnom trajanju dužem od 60 dana. Svoje dospjele novčane obaveze nije izmirio od 2011. godine od kada im je blokiran račun. Prijedlog za otvaranje stečajnog postupka je dopušten i osnovan, odnosno podnesen je od ovlaštenog lica od strane direktora, te je prijedlog dopušten i osnovan i da su se stekli zakonski razlozi za otvaranje stečajnog postupka nad pravnim licem jer Privredno društvo KLJUČ Maglaj u skladu sa članom 6. Zakona o stečaju, međutim kako društvo nema nikakve imovine pa ni za troškove stečajnog postupka predlažem da sud pozove povjerioca i zainteresirana lica da u roku od 60 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko u ostavljenom roku ne predlože i ne uplate predujam sud donese rješenje o otvaranju i zaključenju stečaja nad navedenim stečajnim dužnikom.

Kako iz dostavljene dokumentacije uz izužestaj, kao i pojašnjenja privremene stečajne upravnice na održanom ročištu, proizilazi da društvo, iako postoje stečajni razlozi, nema imovine iz koje bi se namirili troškovi stečajnog postupka, te kako niko od zainteresiranih lica - povjerilaca, a po pozivu suda objavljenom u Sl. novinama FBiH br 96/24 od 04.12.2024. godine, nije predujmio novčana sredstava u iznosu od 5.000,00 KM, na ime troškova za vođenja stečajnog postupka, odlučeno je kao u dispozitivu ovoga rješenja, u skladu sa odredbom člana 102. st. 7. i 8. , te odredbom člana 204. stav 5. Zakona o stečaju („Službene novine F BiH“, broj: 53/21).

Slijedom naprijed navedenih odredbi Zakona o stečaju, sud je riješio kao u dispozitivu ovog rješenja.

Pouka o pravnom lijeku:

Protiv ovog rješenja dopuštena je žalba Kantonalnom sudu u Zenici u roku od 8 dana od dana dostave rješenja, a putem ovog suda.

Stečajni sudija
Amra Brkić,s.r.